

صافی : ۲۵

۱ کانون ثانی ۱۳۴۱

ن : ۲

مخبر

اهموتی ، اجتماعی ، فلسفی ، تاریخی ، ادبی مجموعه دور
شبیديك آیده بر لهر اولنور

مدرجات

اسلام تاریخی « حسین جاهد بکک ترجمه ابتدییکی تاریخ اسلام حقنده انتقاد » یوسف ضیا
ایران ماصالی قریب حسین
چولده بر سجده سمیه جمال آوره نوس
ایران ادبیاتندن نمونه لر « سعدینک طیباتندن » نور العبدیه
آنادولوده بر کایت م. شرف
شیخ شامل حمزه
جانی آلتده بر فیلسوف « آمیل سووستر » عبدالحی هادی
« بونسخده شیخ شاملک بر رسمی وارد » .

شهراده باشی : اوقاف اسلامیة مطبعه می

۱۳۴۱ — ۱۹۲۵

سنه : ۲

پنجشنبه

صافي : ۲۵



۱ كانون ثاني ۱۳۴۱

چاتی آلتنده بر فیلسوف

مؤلفی « آیل سووستر » مترجمی : عبدالحمید هادی

وظیفه سنی مدرک بر محرر قارئینه افکارینی تلقین ایله دکل
اونلری دوشونمکه سوق ایتمکه مأجور اولور لمتجه
ع . ه

مقدمه

جمعیتیزی کمین حمای تبدل واحتراس آراسنده بر آدم طانیورز که بودنیاده کی ناجیز
مشغله سنی بلا شکوا اولدینی کی قبول ایتمش واکر تعبیر جائز ایسه عادتاً فقره قارش بر میل
وهوس محافظه ایلش بولنیور . وظیفه سنک تأمین ایتدیکی اوفاجیجق ایراددن بشقه بر ثروته
مالک اولیان و بوقز انجیله ؛ آنجق سفالتله رفاهی آیران پک دار بر حدود ایچنده یاشایه بیلان
فیلسوفیز اقامت ایتدیکی چاتی آراسنده کی اوطه سنک یوکسکلک لرنندن جمعیتی ؛ ثروتلری آرزو
ایتدیکی فقط فورطنه لرنندن ده قورقدینی بر دکر کی تماشا ایتمکده ، کیمسه نک حسدینی
تحریک ایتیه جک قدر آزی ر اشغال ایتدیکی ایچون نسیانه بورونمش مستریخ او یومقده در .
قابوغنک ایچنه چکلمش فابلومبزه کی خودینی به التجا ایتمش ظن اولنسون . بالعکس
او طبقی « ترانسک TERENCE » تعریف ایتدیکی انسان کی بشریتی علاقه دار ایدن هیچ بر
شیئه بیگانه بولنما مقده در . خارجه کی بتون اشیا و حادثات طبقی بر فوطوغراف بیت مظلمنده کی
کی کنديسنده انفسی انعکاسلر پیدا ایتمکده و بونلری بویله جه استنساخ ایلنکده در . عزلت
اربابنه خاص بر صبر متوکلا نه ایله جمعیتی کندي نفسنده کورمکده و هر آیی ایچون کوردیکی
ویا دوشوندیکی شیرک خاطراتی یازمقده در . بالذات کنديسنک ده سویلکی اعتیاد ایدنیدی
کی او تحسسانک تقویمدر .

بونلری قاریشدیرمق صلاحیتنه مالک اولدیغمز ایچون ایچندن بر قاچ صحیفه آیردق .
بونلر قاره اونودلش بر متفکرک زمانک شهرور تسمیه قلنان اون ایکی مسافر خاهه سی ایچنده
کچن بسیط سرگذشتلری نقل ایده جکدر .



۱ ثانیه ثانی - اویانوبده کوزومی آچار آچاز بو تاریخ خاطر مه کلدی . ماضینک
اعماقه یوارلنق ایچون سلاسل ادواردن قوبان ایشته برسنه دها . خلق ، کنج همشیره سنی

تسعيداچون تهالك كوسترييور . لكن بتون انظار ايلري به مشوجه اولديغي حالدده بنم كوزلرم .
ايسته ميه رك ماضى به منعطف . يكي قرايچه به تبسم ايديلييور . فقط بن ، زمانك گفته
بورونديكنى دوشونمكدن منع نفس ايده ميورم .

هيچ دكلسه بونك نه اولديغى و بكا نه تايمين ايتديكنى بياليورم ؛ حالو كه ديكرى
مجهولاتك تهديداتيله محاط اوله رق عرض اندام ايدييور . كنديسى احاطه ايدن بلوطلر
ايچنده عجا نه صاقلاليور ؟ فورطنه مى ؟ كوشمى ؟ كچيجى بريغمور ياغمور ، سما كى روحده
قابالى و مغموم . بوكون مأذونم فقط يغمورلى بركونى نصل كچيرملى ؟ جان صيقينتيسى ايله
باصيق طاوانلى او طه مك ايچنده آشاغى يوقازى دولاشدقن صكره نهايت آتش ياقمغه قرار و بردم .
مع التأسف كبريتلر ابي يانميور . ارجاق توتيور و او دون طوتشميور . اوفكه ايله
كوره كى بر طرفه فيرلانهرق كنديمى اسكى قولتوغمك اوزرينه آندم .

يكي صوكرانه دن صانكى يكي بر سنهك طوغديغى كورمش اولمقدن دولابى ممنون
اوله جقمشم ؟ سوسلنهرك دوداقلرنده تبسم ايله دها شيمديدن سوقاقلره فيرلامش اولانلر عجا
كنديلرني سه وينديرن شيك نه اولديغى آكلاليورلرمى ؟ هيچ دكلسه بو يورطينك نه معنا فاده
ايتديكنى و سنه باشنده هديه تعايطى ايتك عادتك نره دن كلديكنى بيلورلرمى ؟ بوراد
فكرم افكار عامه به قارشى حائر اولديغى تفوقى كندى كندينه تصديق ايجون بر آن توقف
ايتدى . جان صيقينتيسى به غرورمك لهنه براستطراد آچيور و علممك بتون دلائلى طوپلايورم .
(اسكى روماليلرسنه بي آنجق اون ايكي آيه تقسيم ايدرلردى . كانون ثانى وشباط ايلريغى
علاوه ايدن) (نوما پومپليوس) اولمشدر . برنجيسى اسمى « ژانوس » دن اقتباس ايتديكى
ايجون آكا تخصيص قلمش . سنهك بدايتنده بولونديغى ايجونده بونك باشلانغيجى خيرلى
تفأللرله احاطه اولمش . قومشولر آراسنده زيارت تعايطيسى ، بربرلرينه سعادت وعافيت
تمنيسى و هديه لر و يرلمسى ايسه بوتفأللردن نشأت ايتمشدر . روماليلر آراسنده سنه باشنده
تعايطيسى معتاد اولان هديه لر هپ بزر رموز و اشارته دلالت ايدردي و بوسيله سنهك
جريانه باشلامسنى حمايه و صحابت ايدنلرك لطف و ملايمتلىرى تمنيدن كنايه اوله رق يكديكريته
هديه ديه قورو انجبر خرما و بال كى طاتلى شيلرله ثروتى تمثيل ايدن و « ستيب » دينيلان
كوچك بر ياره و يرشيلردى .)

[۱] كانون ثانى اينك اسمى قرانزجه « ژانوى به » در . « ژانوس » ده روماليلرده آيدنلق
التهسى ايدى . بونك ايجون روماليلرجه هرشى مبدئى تلقى ايدلشدى .

عبوس چهره می طاقمق ایچون تکرار استطاردی قپایورم . نفسمه قارشى ایراد ایتدیکم شوقیصه جق خطابه کندمه قارشى ممنونیتمی وباشقه لرینه قارشى اغبرارمی تزید ایتدی . وقت کچیرمک ایچون قهوه آلتی ایتمک ایسته یورم . فقط قیوجی سوتمی چیقارمفی اونوتمش اولدیغی کبی رچل قاوانوزیده بوش بولئیور . بر دیکری بوندن منفعل اولوردی فقط بن متعظم بر بیگاهلاک طوری طاقیورم . انسانلرک خسیس غرورلرینک وتازه اکملرک فوقنده بر آدم کبی بولدیغم بیات اکمک قاپوغنی کوچ حل ایله المله قیبارق بوحاله هیچ بر اهمیت عطف ایتیه رک دیشلرمک آراسنده که ومله مکه چالیشیورم .

مع هذا بیلم نیچون چیکنمکده کی مشکلاته متناسب اوله رق افکارم قرارییور . وقتیه چانی شکرسنز ویردکاری ایچون کندینی آسان بر انکلیرک حکایه سنی او قومشدم . حیاته اولیه ساعتلر اولیور که اکاهمیتسنز عکسیدلر انسانک کوزنده بر فلاکت قدر بیویور . انسانک طبیعتی طبقی دورینه بکزه یور . باقیلان طرفه کوره اشیا یی یا اولدیغندن فضله بیومش ویا کوچلمش کوستریور .

على العاده زمانلرده پیچرمدن کوریلان منظره نی مسرور ایدردی . بو رؤیتده تپهلرنده یوکسک او جاقلر سیویریلن ذروه لری قوچاقلاشمش بر برینه گرفت اولمش کبی توالی ایدن طاملرک قوشوشمسنی آکدیران بر حال واردی . دها دون اونلری آلب طاغلرینه بکزه تیور وبونلرک اوزرنده جمودیه لر تماشا ایتمک ایچون قارلرک یاغمسنه انتظار ایلیردم . بوکون ایسه کیرمید وصوبا بوروسندن بشقه برشی کوردمیورم . کوکرجینلر؛ دهقانی خیالامه یاردم ایدرایکن شمندی اونلرده بکاطاملری کومس اتخاذا ایتمش علی العاده قوشلردن فرقلی کورونمیورلردی . طوپ طوپ هولناک دومان بکا «وه زوو» ینار طاغناک فتحه لرینی دوشندیره جکنه حاضرلنان یمکلرله بولاشیق صولرینی خاطرلتیوردی . والحاصل اوزاقدن کورینان قدیم «موتمار تر» قله سنک اوستنده کی تلغراف دیرکی بیله بنده شهرک تپه سته دینلمش بر دار آغاجی حسنی اویاندیریوردی .

بویله جه نظرلرم راست کادیکی هرشیئدن یرالنه رق اشافییه قارشمده کی بیوک قوناعه انعطاف ایتمشدی .

بوراده سنه باشی تأثیراتی پک بارز بر صورتله محسوس . اوشاقلرده النان ویا اله جفی امید ایدیلن هدیه لرک اهمیتیه متناسب بر استعجال وتلاش حالی وار . مجبوری سماحتک توالید ایلدیکی عبوس بر چهره ایله اولوی بر اوجندن او بر طرفه کچن او صاحبی ؛

چيچك ؛ مقوا قوطولر ويا اوير نجاقلر طاشيپان اللری دوا . هاللرينك او كندن كیدن
 زیارتچیلرك اصیقلاشدیغنی کورییورم . بردنبره بیوک قابو آجیلیور بر جفت جنس آتک
 چکمکده اولدیغنی یکی بر آرابه کلوب بینک طاشنك او كنده طورییور . بونلر ، قوجه سی
 طرفدن اوصاحبه سنه تقدیم ایدیلان ییل باشی هدیسه سی اولسه كرك . چونكه خانم بالذات
 کلوب بونلری تدقیق ایتدی . بر آرزو کرا دانتله لاره ، قوش تویلرینه وقدیفه لره بورونمش
 ییل باشی مناسبتیه توزیع ایده چکی هدیهلری حامل کوچوک بر قیز چوجنی ایله برلکده
 ایچنه کیریورلر . ایشته قاپوسی قپانوب جاملری قالدیریلدی ، آرابه ده حرکت ایدیور .
 بویله جه هر کس بو کون یکدیگرینه هدییه ویریور وخیرلی تمنیاتده بولنیور . یالکیز
 زواللی بن نه ویره چك نه قبول ایده چك بر شیئه مالک دکلم . بیچاره منزوی ؛ تمنیاتده
 بولونمق ایچون ترجیح ایده بیله چك بر کیمسه بیله طانییورم .

اولیه ایسه سنه باشی تبریکلرم کیدوب آشاغینك درینلککلرنده کورولتولری ایشیدیلن
 جم غفیر اراسنده غائب اولمش مجهول دوستلری بولسونلر .

بو غلبه لك ایچنده فقرا یله اولومك تأثیراتیه اطرافکزی بوشلق قاپلامش اولان ای
 شهر منزویلری ؛ کونی کوننه قزاندیغکز اکمی یالکیزلق و متروکیت ایچنده یمکه مجبور
 اولان ، محبت و دوستلغک ویردیکی خلجان قلب تهیجانتندن محروم براقیلان مغموم امکچیلر ؛
 تبریکاتم اولاسزلره ایریشسون !

کوزلرکز بیلیم هانکی بر قطب ییلدیزینه مرکوز حقیقتك زنکین محصولاتی اوزرندن
 بیکانه یورویه رك حیاتی قطع ایدن حساس خیالپرستلر ؛ سزلره واصل اولسون !
 عائله کزی کچیندیرمك ایچون کیجه لرکزك بیوک بر قسمنی چالیشه رق کچیرن ایی عائله
 بابالری ؛ بشیکك یاننده آغلایه رق چالیشان بدبخت دوللر : انتخاب ایتدیگکز بر قادینی
 قولکیزه طاقه رق یورویه بیلیمك ایچون حیانه لزومی قدر کنیش بریول آچغه چالیشان
 کنجلر ؛ سعیك وفداکارلغك جسور عسکرلری ؛ جمله کزه یتیشسون !

والحاصل نام و عنوانکز هر نه اولور ایسه اولسون هر کوزل شیئی سونلر ؛ هراضطراب
 چکنه آجیانلر ؛ حیانه قوللرینی بنی بشره قارشى آچیق اوله رق یوروینلر ؛ سزلری بولسون !
 بوراده متزاید بر صورتله یوکسلنه جیویلدیبلر تفکراتمی کسدى . اطرافه باقندم .
 پنجره مك اوکی خیالاتك دالغینلغی آراسنده طامك اوزرینه دوشوردیکم اکمک قیرپنتیلرینی
 غالمق ایچون اوشوشمش سرچه قوشلریله دولمش .

بومنظره قارشوسنده محزون قلم بر لعله نور ایله ایشیلادی . مکر بر آز اول هدیله
ایده بیله جک بر شیئه مالک اولدیغمدن دولایی صیرلنمقده حقسزمشم . ایشته بنم سایه مده
محله نك سرچهلری ییل باشی هدیله لرینی آلمش اولدیله !

اولم — قاپوم ووردی : فقیر بر قیز ایچری کیردی واسممله خطاب ایدره رك سلام
ویردی . بردنبره اونى طانیه مدم . حالبوکه اوبکا باقیور وتبسم ایدیور . . . آوت ،
پولهت . . . لکن کنديسى کورمیه لی بر سنه دنبری نه قدر دكشمش پولهت اسکی پولهت
دکل دها دون کوچوك بر چوجقدى حالبوکه شمدي همان بر کنج قیز اولمش .
پولهت ضعیف صاری بگزیلی و فقیرانه کینمش بر قیز فقط دانما او آجیق و طوغری
باقیش ، سرك دوستاغکیزی تمنی ایدر کی هر تلفظ ابتدییکی کلمه ده عینی تبسم ، بر آز
محترز فقط عینی او قشایچی صدا . پولهت هیچ کوزل دکل حتی چیرکین بیله دینه بیلیره
فقط بن اونى دلبر بولیورم .

بلکه اونك حقیقه بویله اولدیغمدن دکل فقط بنم اونى بویله بولدیغمدن بو حسی
ویریور . چونکه اوبکا لطیف خاطراتم آراسدن کوزو کیور .

عمومی بر یورطی کیجه سی ایدی . بتون آیده و بیوک بنالر ضیالره غرق اولمشدی ؛ کیجه نك
روز کاریله هواده بیکلرجه بایراق صاللانمقده اولدیغی کی « شان دومارس » میداننده ده
العاب ناریه اشتعاله باشلامشدی . . خاخی جنته سوق ایدن واسبابی ایضاح اولنه میان بر
خوف وهراس بردنبره اورطه انی قازیشدیرمشدی . الضعیفلر برلره یووارلانیور و کندن
کچمش اولان خلق بونلری نه زوب کچیوردی . معجزه قیلندن بوتهاجك او کندن
قورتمشدم . بورالردن اوزاقلاشمش ایکن محو اولسنه رهمق قالمش بر چوجفك صیحه لری
بنی توفیق ایتمش و حیاتم بهاسنه بوهرج وهرج بشر آراسنه تکرار صوقوله زق غیر قابل
توصیف فدا کارلقلر نتیجه سنده پولهتی اورادن قورتارمشدم .

بووقعه بوندن ایکی سنه اول جریان ایتمشدی . واوندن صوکر کنديسى پك سیرك
کوردیکم ایچون همان همان اونوتمشدم . لکن پولهت ایی قلبیلرک حافظه سنه مالک اولدیغی
ایچون بکا ییل باشی تبریک ایتک وسعادت تمنی ایلک ایچون کلمشدی . عینی زمانده ده کندي
اکوب یتشدیردیکی اهتماملر و صبرلرله آله کچیردیکی بر منکشه صاقسیسی کتیرمشدی .

واقعا منکشه فنا بر صاقسیده یتشمشدی لکن پولهت مقوادن یاپیلان ایشلرده
چالیشدیغی ایچون صاقسی بی پارلاق بر کاغذله صارمش و عرب اصولی تزینات ایله

سوسلمشیدی . بوتزینات دها ذوق ایله یاپیله بیلیر دیسه ده هر حالده بیوک بر دقت و غیرت صرف ایدلمش اولدینی حس اولئیوردی .

بو غیر منتظر هدیه ، قیز جغزك قیزاره رق محجوبانه ککله دیکی تبریکلر بنده کونش شعاعانی تأثیرینی یانه رق قلبی قاپلایان سینی طاغندی . فکرلرم ده آنی اوله رق آقشامك قورشون رنگندن صباحك پنه رنگنه تحول ایتدی . پوله تی اوطورتوب نشئه ایله استجوابه باشلادم .

ایلك اوکجه یارروجغز يك هجا کله لرله جواب ویریوردی لکن بر آز صوکره وضعیتمز تبدل ایتدی . وبوسفرده بن اونك اوزون اوزون آکلاندینی حیات محرومانه سنی برر کله تأثیر ایله کسمکه باشلادم . زواللی چوجق پک زور بر حیات کچیریور . بری ارکک دیکری قیز ایکی قرده شیله یتیم اوله رق اختیار بیوک آنه لرینک انه محتاج قالمشله .

بو اختیار قادینده هر وقت تکرار ایتدیکی کبی اونلری یوقلقله بیوتمش مع هذا شمدی پوله ت بیوک آنه سنه مقوا جیلای ایشلرنده چالیشه رق یاردیم ایتیمکده ایش . همشیره سی « پهرین » یکی دیکیشه باشلامش « هازی » ده بر مطبعیه چراق اوله رق قبول ایدلمش . اگر ایشلرک اولسه ؛ البسه لر چابوق اسکیمسه ، انسانک اشتها سی بو قدر فضا به بولمسه ؛

حرارتی صاتون آلفه مجبور ایدن قیش صیق کلمسه هرشی یولنده کیده جکممش . پوله ت مومک آز دایاندیغندن و برده اودونک بهالی اولدیغندن شکایت ایدیور . طاوان آراسنده کی اوطه جقلرینک اوجاغی او قدر بیوکمش که بر قوجاق اودون بر کبریت تأثیرینی یاپیورمش .

فضله اوله رق دامه ده او قدر یاقین مشکه روز کار اسدکجه ، یغمور ایچری کیریور و اوجاغک اوکنده دوکیلیور ایش . بوسیله اوجاغی قوللانمقدن واز کچمشله . شمدی هرشیلری اوزرنده یمکلرینی پیشوردکلری طوپراق مانغاله منحصر قالمش . واقعا بیوک آنه لری

اوطوردقلری آپارتمانک زمین قاتنده کی مستعمل اشیاءا تحیسنده موجود بر صوبادن بحث ایش ایه ده دکانچی بوصوبایه یدی فراتق ایسته یورمش حالو که زمان بویه بر مصرفه کیریشمه که متحمل دکمش . بناء علیه اداره اولسون دییه عالمه جه صغوغه قاتلانمغه رضا کوسترلمش .

پوله ت قونوشمسنده دوام ایتدکجه ، مأیوسیت سائقه سیله متحصل رخاونک اوزرمدن کیتدکجه ، صیرلیدیغنی حس ایدیورم . کوچک مقواجینک دها ایلاک افشا آتنک بنده اویاندیردینی آرزو بر آز صوکره آرتق بر تصمیم حالی اکتساب ایتدی . بو کونی نصل کچیره جکی سؤاله بندن ایرلدقدنضکره برادری ، همشیره سی و بیوک آنه سیله برلکده کندیلرینه ایش ویرمن مخلف مشتریلرینی

زیارت ایدە جگەرنی بیلدیردی . در حال خط و حرکتی تثبیت ایتدم . چو جفە بو آقشام کیدوب کندیلرینی کورە جگمی سویلدم . وتکرا تشکر ایدە رک کندیسە اذن و یردم . شەدی منکشە صافسیسی آچیق پنجرەنک اوکنە یرلشدیرلمش بولنیور . اوزرینە دوکولن بر حزمە ضیا اوکا بیان خوش آمدی ایدرکن اطرافندە قوشلر جیویلدایور . افق آچلمش و مغموم اولە جفی ظن اولنان کونی کونشلرە غرق ایتمش . تورکی سویلیەرک اوطەمک ایچندە بر ایکی طولاشدقدنصکوه علی العجلە کینوب سوقاغە فیرلادم .

ساعت اوج — توشم صوباجی ایله هرشی قرارلشدیرلادی : یرینە یکیسفی آلدیغم اسکی صوبامی تعمیر ایدە جگمی و بونی یکی بر حالە کتیرە جگمی تأمین ایتدی . ساعت بشدە برابر جە کیدوب بونی بولە تک بیوک انەسەنک اوینە قورە جغز .

کیچە یاریسی — هرشی مطلوبە موافق جریان ایتدی . تعیین ایدیلان سـاعتدە هنوز عودت ایتماش اولان اختیار مقواجینک اوندە ایدم . بن ؛ قیشاغمدن آیردیغم بردوزینە قدر کسلمش اودونی بیوک اوجاغە یرلشدیرمکە مشغول اولدیغم صیرادە اوستە دە صوبایی قورمشدی . بو اودونلری یا بر آز آیاقدە دیرلاشەرق ایصنمقلە ویا بر آز ایرکنجە یتاغە کیرمکە تلافی ایدرم .

مردیوندن ایشیدیلان هر آفاق سسە قلم چارپیوردی . یاری یاردە یقالتمقدن وحاضرلدیغم بو غیر منتظر ایشلرک تأثیرینک بوزولماسندن خلجان ایچندە ایدم ؛ لکن خایر ایشتە هرشی یرلی یرندە : آتشی یاقیلان صوبالایچین ایچین خورلدایور . کوچک لامبە ماصەنک اوزرندە چارلادیغی کبی شیشە دانلقدە رافک اوزرینە یرلشدیرلمش بولنیور . صوباجی عودت ایتدی . شمدیدە اوستمە کلە جگمیری قورقوسی ، حالا کلەمدیلر صبر سزلغنە تحول ایتدی . نەـایت چو جقلرک سسلرینی ایشیدییورم . ایشتە قاپونی ایتوب ایچرویه هجوم ایدیورلر . لکن تعجب ندالریلە هپسی اولدقلری یردە تواف ایتدی .

لامبەنک ، صوبانک و بو خارق العادە شیلرک اورطەسندە سحر باز کبی دوران زیارتچینک منظرەسی قارشوسندە قورقویە یاقین براور کلکلکە کیر و کیر و چکلدیلم . ایشی ایلك قاوریان پولەت اولدی . دیکرلرندن دها یواش چیقان بیوک والدەنک ورودی ایسە ایضاحانە نہایت ویردی . — تحسسلر ، مسرت طاشقینلقلری ، تشکرلر ...

لکن اونلرک حیرت و تعجیلرینک نہایتی کلەمشدی . کوچک همشیرە صوبادەکی فرونک قیاغنی آچوب قیزارمقدە اولان کستانەلری کوردیکی ، بیوک والدە بوفەیی تزین ایدن الما شرابی

شیشەلرینەل آتدیغی، بئندە صاقلادیغ سېتک ایچندن بر صغیر دیلی ایله ترەیاغ پا کتفی چیقاردیغ
زمان ارتق تعجیبلری حیرتە انقلاب ایتدی. کوچك عائله خاقی هیچ بویله بر ضیافت کورمامش.
در حال صوفرا قوریله رق اطرافتە کچیلوب یمکە باشلاندى. بو، جملة ایچون بر شتک اولمش
وهر کس بومسرتە کندیسە کوره اشتراك ایتشدی. بن آنجق نواله یی کتیرمشدم مقواجی
قادین وچوجقلى ایسه ذوق و شطارتی احضار ایتدیله.

سبیسز آتیش نه قهقهه لر! هر ج و مرج ایچندە جوابنه انتظار اولمیان نه سؤال لر؛ وه
صاریلان سؤال لرە توافق ایتیان نه جوابلر! کوچك لرك بوچیلغین مسرتلرینە بیوک والده
بیله قاریشمشدی! فقیرلرك پك قولایلاقه سـفـالتلرینی اونوته بیلمسی کیفیتی هر زمان نظر
دقیمی جلب ایتشدی. حال حاضر ایله یشـامـغه الیشمش اولدقلرندن دولای اوکلرینە
چیقان ایلک اکلنجه دن استفاده ایدیور. حالبوکه اعتیاد ایله زنکینه بیقلاق عارض اولدیغی
ایچون اکلنجه یه کوچلکله کندیسینی قایدیریور. مسعود اولمغه راضی اولق ایچون اوکا
هم زمان وهم حضور و راحت لازم.

کیجه بر آن قدر سریع کچدی. اختیار قادینجغز کاه کولومسیه رك کاه کوزیا شتک دامله سنی
سیله رك بکا حیاتی نقل ایتدی. «پهرین» نازك واینجه سسیله اسکی زمانك بر شرقیسینی
ترنم ایتدم. مشهور محرر لرە تصحیح ایدیلەجك پرووه کاغدلرینی کتورن «هانری»
بونلره دائر بیلدکلرینی آکلاتدی. نهایت مسعود عائله نك یکیدن برچوق تشکرلری
آره سنده وداعلا شمع لازمکلدی.

بواقشامك نزیه خاطراتی ذوقی بتون روحله حس ایدە ایدە یایا اوله رق عودت ایتدم.
بونم ایچون هم بیوک بر تسلی و همده بیوک بر درس عبرت اولمشدی. شمدی سنه لر تجدد
ایدە بیلیر. ارتق تماماً اکلادمکه ویره جك ویا نقبل ایدە جك بر شیم یوق دیه هیچ کیمسه
ظن ایتدیکی قدر بدبخت دکلدر. اویمه کیررکن دبدبه وداراتلی قومشو خانمک یکی و مکلف
ایتدم ارا به سنه تصادف. اوده، برکیجه ضیافتندن عودت ایتمکده ایدی. سیکرلی و عجول
یینک طاشندن کچرکن «اوخ نهایت بیتدی» دیه میرلاندیغی ایشتم.

حالبوکه بن پوله نك عائله سندن آیریلیرکن «نه قدر چابوق کچدی» دیمشدم.

